

## M120: Jüngstes Gericht, Hamburger

0,1 [...] [...] daz voR ovgin .  
0,2 wio drofdin vns seldin vrowin .  
0,3 Diz kint in d' mvdire het ez wize .  
0,4 ez mohde des dages irsrickin .  
0,5 So cumint di engl-e in den lvfdin gevarin .  
0,6 vn- brngint ein cruce gedragin .  
0,7 Shone vn- lvtidre dar nach cumit  
0,8 mensliche d' himilsche cunic  
0,9 vn- sicut zu gerehde  
0,10 in sinir mancrefde .  
0,11 vn- vmbe in sine heiligin .  
0,12 daz si vrtdeilin  
0,13 Igelichiz nach sinir andaht .  
0,14 vn- dar nach ez gelebit hat .  
0,15 So ovgit er sine wudin  
0,16 an sinir sitdin . an sinin fuzin . an sinin handin .  
0,17 Dann sal ein igelich ovge .  
0,18 got vnsirin h'rin showin .  
0,19 als in di ivdin uingin .  
0,20 vn- an daz cruce hingin .  
0,21 Daz er svicide blut .  
0,22 daz man in bant . daz man in sluc .  
0,23 So er ovgit alle sine not .  
0,24 di er leit vn- avch den dot .  
0,25 vn- sprichit "sich mensche waz ich durch dich gelidin han .  
0,26 sage waz has du durch mich gedan ."  
0,27 So dut man vf di buch .  
0,28 do ane stet vnsir dat . si si vbil odir gut .  
0,29 Danne wirt irsheinit .  
0,30 wer nv got mit h'cin meinit .  
0,31 Di h'cin vn- lib nv intreinint .  
0,32 wi heizze di danne weinint .  
0,33 So si voR in gesribin sehint  
0,34 wi si dunt . wi si nv lebint .  
0,35 Ez in ist nit so helle .  
0,36 ez in werde wol vffinbere .  
0,37 Ez si vbil odir gut .  
0,38 so man di bvch vf dut .

0,39 So man di buch inslvzit . vn- breidit .  
0,40 vn- di dodin vrtdeilit  
0,41 al dar nach di buch sagint .  
0,42 so vrowint sich di wol gelebit hant .  
0,43 Swer wil daz man danne sine shande nit in sehe .  
0,44 d' habe nv ruwe vn- beiehe .  
0,45 Swes wir nv zv bihdin cumin .  
0,46 daz wirt dann uirhulin .  
0,47 Swes wir nv nit beiehin .  
0,48 daz sal danne alle di werlit sehin .  
0,49 Owe d' shandin vn- des leides  
0,50 des gnvge lvde nit einiz  
0,51 danne solin lidin .  
0,52 dir ir svnde nv sich shamint bihdin .  
0,53 wi si solin srien .  
0,54 so got vn- di heiligin beginnint spien .  
0,55 Gein deme stanke ir vnreinekeide .  
0,56 danne woldin si ir svndin han beiehin .  
0,57 So got di bvch ane gesihit .  
0,58 vn- einis igelichin menschin lebin gelisit .  
0,59 So kerit er sich zv d' cesiwin hant .  
0,60 zv den di ime gedinit hant  
0,61 vn- sprichit "cumint mine vil libin kint .  
0,62 zv den himilischin gnadin . di vch bereidet sint .  
0,63 von d' werlitde aneginne .  
0,64 wande ir dadint minin willin .  
0,65 Cumint mine vil libin kint .  
0,66 ich bin vwir vadir ir bint  
0,67 Di ich irlosit han . von d' helle not .  
0,68 ich bin mensche vn- got .  
0,69 des vwir h'ce i hat gegerit  
0,70 des werdint ir allis nv gewerit .  
0,71 Ir bint di durch di ich den dot leit .  
0,72 ich sal vch ovgin mine shonheit .  
0,73 Ich sal vch ovgin mine h'shaf ."  
0,74 danne endit vnsir vngemach .  
0,75 Di zv der linchin hant stent .  
0,76 di heizit er in daz ewige fur gen .  
0,77 da nit in ist dan ach weinin vn- we .  
0,78 dan vz in cumint si nimir me .  
0,79 So get ez an ein sheidin .  
0,80 so get ez an ein weinin .  
0,81 So srient si "h're h're .  
0,82 svzir shephere .  
0,83 war solin wir nv uil armin  
0,84 laz dich vnsir not irbarmin .  
0,85 vn- du vns etlichin rat .  
0,86 vns rvwit vnsir missedat ."

0,87 So antwrdit vnsir h're  
0,88 d' rvwe ist nv zv spede .  
0,89 Di poRtin sint beslozin .  
0,90 hi in mac niman me vz ioch in .  
0,91 Ich in weiz wer ir bint .  
0,92 ir sint des dvuilis kint .  
0,93 Gent dar ir gedinit hant  
0,94 in der uinstirnisse lant  
0,95 von mir mine viende  
0,96 do wirt man weininde vn- sriende .  
0,97 So si vile geweinint vn- gesrient . zv vnsirme h'rin .  
0,98 vn- er in den rucke beginnit kerin .  
0,99 So srient si di gudin ane .  
0,100 daz si hi helfin vn- got manin .  
0,101 daz er ire gnade wolle han .  
0,102 so weinit manic wib vn- man .  
0,103 Iswer den andirin do irkennit  
0,104 d' reckit ime di hende  
0,105 vn- sprichit hilf mir frvnt h're  
0,106 do wirt manic betdilire .  
0,107 So sprechint si . "ia sint ir di . di ir sphephere  
0,108 haden . vnmere .  
0,109 Dvrch uwiris libis senfdikeit .  
0,110 wa ist nv vwir vbbikeit .  
0,111 Nv hat si ende genvmin .  
0,112 wir in mogin vch nit zv helfin cumin .  
0,113 dar ir gedinit hant . dar gent .  
0,114 wande ir gesehint vns nimir me ."   
0,115 der frunt in si da ni so gut .  
0,116 in dunke it selbe wenic gnvc .  
0,117 Ob er it gode gedinit hat .  
0,118 dunt alle wole ez ist min rat .  
0,119 So get ez an ein sheidin .  
0,120 so get ez an ein weinin .  
0,121 So si dann von ein varint  
0,122 so hulint di bosin vn- carint .  
0,123 Si windint ir [...] [...]